

saehtmoq hagdangz

# Gangj Ndei Gojgaeq Mbanjcuengh Cienz Ndei Cingsaenz Minzczuz

Cinzdangz Gih Siujhagseng Doxdax Aeu Vahcuengh Gangj Gojgaeq

讲好壮乡故事 弘扬民族精神

覃塘区举办小学生讲壮语故事比赛



▲Lauxsae caeuq gyoengq hagseng ndaej it daengj ciengj haenx hab'ingj.

Vihliux hawj hagseng gangj Vahcuengh ak, hawj gyauyuz gyauyoz ndei lai, senj ok boux aeu Vahcuengh gangj gojgaeq ak bae camgya Swcigh Gaiq Daihroek Daengx Gih Siujhagseng Aeu Vahcuengh Biucinj Doxdax Gangj Gojgaeq, 10 nyied 10 hauh, Doxdax Senjleh Siujhagseng Aeu Vahcuengh Gangj Gojgaeq Gveigangj Si Cinzdangz Gih youq Mungzgungh Minzczuz Cunghyoz guh.

Baez doxdax neix youz Cinzdangz Gih Gyauyuzgiz cawjbanh, Mungzgungh Yozgih, Mungzgungh Cin Cunghsinh Siujyoz, Mungzgungh Minzczuz Cunghyoz ciepbanh. Boux camgya doxdax dwg gyoengq hagseng hagdangz minzczuz song saw vah

Cinzdangz Gih Mungzgungh Cin Cunghsinh Siujyoz, Gujsanh Siujyoz, Gauhcan Siujyoz daengj, gung 27 vunz.

Gyoengq hagseng camgya doxdax haenx aeu Vahcuengh gangj gij gojgaeq cawjdaez sienmingz, baijok gij conzdungj ndei Cunghvaz Minzczuz caeuq gij neiyungz ndei minzczuz doxgiet cinbu, gyoengqde doxdax bejjak buenq ngoenz le, bingz ok it daengj ciengj 10 mingz, ngeih daengj ciengj 17 mingz.

Baez doxdax neix, gyoengq hagseng camgya doxdax haenx ndaej lienh uk lienh damj, mboujdanv vah gangj ndaej raeuzrad lai lo, ukgyaeuj hix lingz lai rox lai lo.

(Cinz Souhwngz/覃寿恒)

faenzcieng baenz hag

## Gueng Duz Yiengziq

喂小羊

Ngoenzneix, daxboh daxmeh daiq gou bae ranz buz gou guhcaemz.

Ngamqngamq haeuj dou, gou couh yawjraen daxbuz gaem aen bingzej cingq cung mbacij, gou geizheih cam: "Daxbuz, ndawranz miz lwgnyez lwi?" Daxbuz riu-nyumnyum naeuz: "Dwg ha, gou daiq mwngz bae yawjyawj." Daxbuz cienq ndang byaij okbae, gou geizheih raixcaix, ganjgaenj riengz daxbuz daeuj daengz rienghyiengz. O! Yienzlaiz lwgnyez daxbuz naeuz haenx dwg lwgyiengz iq ha!

Cij raen lwg yiengz hausaksak ndeu youq ndaw riengh diuq hwnj diuq roengz, lumj aen giuznae iq ndeu ringxndi' ndi, ndawbak de "me me me" heuh mbouj dingz. Yawjraen dou gvaqdaej, de couh sikhaek diuqlinlin daeujdaengz henz gamx, ngiengx gyauej heuh "me me", gij yiengh dwg iek le yaek gwn. "Daxbuz, hawj gou gueng." Gou ganjgip daj ndaw fwngz daxbuz cieq gvaq aen bingzej, lwgyiengz ganjvaih iet hoz okdaej, gou siujsim aeu aen bingzej iet daengz dangqnaej lwgyiengz, lwgyiengz haeb ndaej bakbingz couh cup, "gudu gudu" yaepyet bingz cijvaiz ndeu couh

ndoet liux lo. Gou gikdoengh ndaej sim diuqdwtdwt, ha ha ha, caen dwg mizyinx raixcaix. "Lwgyiengz, gwn imq loba?" Gou sing unq cam. Cij raen lwgyiengz ngiengxgyaeuj yaep song lwgda hung luenzlulu de, bi gyauej bi rieng yawj gou, lumjbaenz naeuz: "Gou gwn imq lo!" Gou maeuq roengzdaej menhmenh lumh de, bwnyiengz hausaksak, unqnem-nem, raeuzrwdrd, lumj lumh gyoeg faiq ndeu, hawj gou gyaenz ndaej mbouj siengj cuengq fwngz, yiengz iq hix haep da lumj gig yiengjsouh nei.

Daxbuz riunumnyum naeuz: "Lwg yiengz iq neix couh lumj mwngz mwh iq, mwh iq mwngz iek le couh daejnga' nga, bingzej oet haeuj ndaw bak couh ndoet lumj gwnguk, gwn imq le couh angq ndaej fwngz foux ga dik, yienzhaeuh mbouj nanz couh ninz lo." Dingq liux vah daxbuz, ndaw uk gou yet ok gij yiengh lwgyiengz gwn cij haenx, youh lienzsiengj daengz gij yiengh mwh iq swheij, nyaenx mbouj ndaej riuhaha hwnjdaej.

Lwgyiengz ranz daxbuz caen dwggyaez ya!

(Sinj Yizdungz/sij Lij Yanghlengz/hoiz)

## Gonohlai Dwgggyaez

可爱的多肉



Gyoengqsou rox doenghgo doih cei q ndei gou dwg go gijmaz lwi? Deng la, mwngz duenz gig deng lo, couh dwg gonohlai dwgggyaez neix. Gonohlai mbouj dwg miz noh caen, de dwg gij coh doenghgo. Aenvih gonohlai raemx lai mbaw gawh, yawj hwnjdaej lumj miz noh nei.

Gaiq yiengh gonohlai cien yiengh fanh yiengh, dwgggyaez dangqmaz. Gonohlai mbangj cungj bizbwdwd, ndeimaih raixcaix; mbangj cungj maj sangsang bae, lumj doengh dahsien de youh gyauej youh sau; mbangj cungj youh daemq youh biz, lumj ndaw gojgaeq gangj cungj vunz daemq de nei; mbangj cungj youh sang youh noengq, lumj baenz doengh baenz

doengh laeuz sangvidvid nei. Gyoengq de mbangj lumj lwg' it hoengz, mbangj lumj lwg' it heu, hawj vunz yawj le myaiz rihngangqngangq, hoeng gyoengqde mbouj baenz gwn bw.

Gij yiengh mbaw gonohlai caemh ndeigyaez, miz mbangj mbaw youh saeq youh raez, lumj doenghceh ngveih godaengngoengz caengz gyaet gvaq nei; miz mbangj mbaw youh mbaep youh bingz, lumj bingj gyaeggaeq nei benjmbetmbet; lij miz mbangj mbaw youh bingz youh luenz, gwnz gyauej de lij hwnj geu oen iq ndeu, mizyinx raixcaix.

Gaiq saek gonohlai daegbied lumjmaez. Haujlai gonohlai gij mbaw de cungj dwg saek heuoq, gaenlaeng coh menhmenh bienqbaenz saek hoengzmaeq, lij miz mbangj saek haemq noix raen, couhdwg mbaw saekheu cingh roxnaeuz saek hoengzmaeq cingh.

Daxmeh naeuz gou nyi, mingh gonohlai gig ak, bat gonohlai ndeu ndaej cek liux dauq ndaem baenz haujlai bat.

Bienz raeuz ndaw doengh lij miz haujlai doenghgo lumj gonohlai yienghneix daegdiemj mingzyienj, saek lai, mwngz lij rox gijlawz dem?

(Vei Ciuhyenz/sij Veiz Munglingz/hoiz)